

AABek kalean behar luketen presoen zerrenda igorri die EAJ eta PSOeri

Zigorraren hiru laurdenak beteak dituzte 51 euskal presok

Kartzela zigorraren hiru laurdenak bete eta legediaren arabera behin-behineko askatasunean egon behar luketen 51 euskal preso zerrenda igorri dieten Amnistiaren Aldeko Batzordeek EAJri eta PSE-EEri.

DONOSTIA

«Legeak beren askatasuna exigitzen du. Zerrenda hau igorri zidugu zuk eta zure alderdiak, legediaren defenditzaile zaretela diozuenok, zuen esku dagoena egin dezazuen berehala libre utz ditzaten». Horrela dio aske egon beharko luketen 51 preso izenekin batera Amnistiaren Aldeko Batzordeen gutunak jasotzen duen testu laburra. EAJren Bizkaiko egoitzara eta PSE-EEren Gipuzkoakora bidali dituzte. Preso horiek jarri zieten kartzela zigorraren hiru laurdenak beteak dituzte —zortzik 1992an, eta gainontzekoek 1993an—, eta AABek nabarmentzen dutenez, legedia betez kalean egon beharko lukete, behin-behineko askatasunean.

«Preso hauek oraindik espetxeraturik edukitzea bahiketatzat hartu behar da, helburua preso hauen duintasuna eta koherentzia zigortzea da, jasaten duten txantaila eta presoaren bidez», azaldu dute AABek atzo zabalduko agiri batean. Hauen ustez, giza eskubideak bortxatzea da 51 preso horien egoera.

Gainera preso hauek «manipulazio helburuarekin erabiltzeko intentzioa» egon daitekeela.

GASTEIZ

Jose Miguel Sueskun Sanz presoak gutun bat bidali dio Gasteizko Legebiltzarreko lehendakariari, bertan «armen bidea alde batera» uzteko eskatzen duelarik. Sueskun ertzaina zen eta konde-natuta dago banda armatuarekiko egun euskal preso politikoen kolektibotik kanpo dago eta Langraizko espetxean ari da betetzen zigorra.

Sueskun ustez, ETAk armak isilaraztea beharrezkoa da. Isiladate hori «mugarik gabekoa izan daiteke, edo gutxienez, parentesi bat denon arteko elkarrulertzea bideratuko duen armen bidea erabat baztertuta uzteko», 'El Correo Español' egunkariak atzo argitaratu zuenez.

uste dute AABek, «preso hauek taldean askatu eta borondate oneko keinua adierazi nahian, benetan atzean egoera krudel eta lege kanpoko dagoenean».

51 preso horiek espetxeraturik jarraitzea egungo kartzelarako politikaren beste neurri bat baino ez dela uste dute Amnistiaren Aldeko Batzordeek, «preso gaineke presoia jasanezina izan dadin». Neurri horien helburua zera da beren ustez, «presoaren gainbehera pertsonala lortu ahal izatea gero politikoa lortzeko». Helburu horrekin denak balio

duela diote AABek, «hasi lege kanpoko den preso sakabana- naketatik, eta jipoiekin, mehatxuekin, eta osasun zainketaren ukatzearekin segituz».

Presoek jasaten duten egoera horien erantzule Espainiako Gobernua eta EAJko buruzagiak dira, ABBen esanetan. «Gaurtik aurrera 51 preso horien izenak beren egoitzetan dituzte, eta senideena eta abokatuena ere bai. Egungo legediak aske utz ditzatela eskatzen die beren erantzukizun politikoarekin kartzelero bihurtu direnei».

Denon Artean-ek jardunaldiak antolatu ditu Donostian

DONOSTIA

Denon Artean taldeak ETAre indarkeriari buruz gogoeta egiteko jardunaldi batzuk antolatu ditu gaur hasi eta larunbatera bitartean. Lehen egunean, garai bateko ETako kide izandako Mario Onaindiak eta Mikel Azurmendik hartuko dute parte «autokritika saio bat» egin asmoz. Aipatutakoekin batera, Gurutze Galparsoro abokatuak eta Alfredo Tamayok ere hartuko dute parte.

Bigarren egunean, gizar-

tearen erantzuna izango da aztergai eta honako hauek izango dira mahaikideak: Ramon Etxezarreta Julio Iglesiasen askatasunaren aldeko Herriar Iniziatibako kidea, Mario Alza Ikusi enpresako langilea, Xabier Gezala Hemen Gaude plataformako ertzaina eta Vicente Eraunskin Ordiziako alkatea. Hirugarren egunean, Fernando Savaterrek hitzaldi bat emango du eta forum gisako eztabaida egingo da segidan. Larunbatean amaiera ekitaldi bat izango da Diputazio Jauregian.

Gipuzkoa Egunean jartzen ari gara



Lagundu zuk ere. Denon onerako

Ondasun Higiezin Erregistroa Eguneratzen

- Astigarraga
- Getaria
- Lasarte-Oria
- Orio
- Pasaia
- Errenteria

Gipuzkoako Foru Aldundia, Pasaia, Errenteria, Orio, Lasarte-Oria, Getaria eta Astigarrako udalekin lankidetzan, berebiziko lana egiten ari da Ondasun Higiezin Erregistro eguneratzearren. Lan hori dela medio, herri horietan dauden hiri-ondasun higiezi nei buruzko datuak eguneratzea lortuko dugu. Horrekin batera, etxe, denda, lantegi, terreno eta ondasun guzti horien balorazio zuzenagoa egiterik izango dugu. Lagundu zuk ere.



Gipuzkoako Foru Aldundia
Ogasun eta Finantza Departamentua



Astigarragako Udala



ERRENTERIAKO UDALA



GETARIAKO UDALA



AYUNTAMIENTO LASARTE-ORIA



Pasaia Udala



PASAIKO UDALA